

Održana zajednička edukacija revizora vrhovnih revizijskih institucija u BiH

U organizaciji Ureda za reviziju institucija BiH, na Jahorini, 20.9.2018. godine, održana je edukacija revizora iz četiri vrhovne revizijske institucije u Bosni i Hercegovini na temu kontrole kvaliteta u reviziji.

Obuka je realizovana u okviru Plana edukacija za 2018. godinu, koji je usvojio Koordinacioni odbor vrhovnih revizorskih institucija BiH. Edukacija je bila namijenjena rukovodećem osoblju za finansijsku reviziju i kontrolu kvaliteta finansijske revizije u revizijskim institucijama u BiH.

Na edukaciji su prezentovana iskustva, izazovi i slabosti u sistemu kontrole kvaliteta finansijske revizije u BiH, dok su gosti – vrhovni državni revizori iz Državne revizorske institucije Srbije održali prezentacije o iskustvima iz projekta uvođenja sistema kontrole kvaliteta u državnoj revizijskoj instituciji Srbije koji je realizovan u saradnji sa Uredom za reviziju Latvije, te o aspektima praktične primjene kontrole kvaliteta u reviziji u Srbiji.

Nakon prezentacija je održana panel diskusija tokom koje su razmjenjivana iskustva svih ureda za reviziju, s posebnim naglaskom na nastojanja da se održi korak sa kontinuiranim izmjenama međunarodnih standarda i njihovu primjenu u praksi.



30.09.2018. godine